

INSIGNIVM

VIRORVM, AC MEDICORVM NOMINA

quorum fauore, & opera

Collegium Medicum Antuerpiæ
institutum & Pharmacia hæc
in lucem edita.



Varia quidem iustissima edicta, multifaria salutares leges ab immemorabili tempore promulgatae, ut fraenum Medicastrorum audaciae inijceretur, & Agyrtarum empyricorum doli, ac imposturae detegerentur: verum dum cordatiores Medici, pro salute publica maximè solliciti, hoc genus hominum (ut Tacitus loquitur) publico exitio repertum, & pænis quidem nunquam satis coercitum, potentibus infidum, sperantibus fallax, in Ciuitate nostra & vetari semper, & retineri aduertunt; impatientes hoc vnicum (reliquis omnibus quam maximè politicè directis) ad prudentissimi Regiminis complementum requiri, fundato zelo, & laudabili inuidia stimulati, tandem desperato huic malo præsentissimum, ac infallibile prorsus remedium Collegij nempe Medici institutionem, inuenère; & sine mora in hunc finem D. D. GODEFRIDVM VEREYKEN, &

LA.

Lib. 4.
& 17.
Annal.

Anno
1620.

LAZARVM MARQVIS P. M. insignes Medicos, Civitati huic iuramento obstrictos, elegere: atque his operam navantibus D. IOANNES FERREUX Urbis, ac Castri Medicus iuratus, ut negotij successum maturaret, insignem suam, tanta quanta erat, Bibliothecam mille & sex supra decem volumina complectentem, futuro Medicorum Collegio per testamentum legat. Grauiſſimum igitur negotium, grauibꝰ quoque & viris insignioribus D. D. PETRO DAEMS Toparchæ in Noormont, &c.

Et IOANNI VANDE WOYWERE Scabin. & postea ærarij Regis Assessori committitur, quorum operâ & diligentia Anno 1620. die Aprilis 28. *Collegium Medicum* instauratur, cui pro Superindente ac Protectore assignatur Nobiliss. D. HENRICVS VAN ETTEN, Eques Auratus, &c. in cuius qualitate, & officio defuncti postmodum successere D. PAVLVS VAN LIERE Consul Antuerpiensis: Nobiliss. D. HENRICVS VAN ETTEN Scabinus, prioris Henrici filius: & D. IACOBVS ROELANTS Urbis huius Pensionarius, & postea in Curia Mechliniensi Consiliarius.

Verum, siue quod nouitas omnis nescio quid odiosi præ se ferat; siue quod corrigi timentes, ut sanantem vlcerati manum, tam laudabili fundationi clanculis conatibus obsisterent: siue quod Medicorum frequenti praxi intendentium, feruor tepesceret,

Non

Non ceptæ assurgunt turre,
..... Pendent opera interrupta.

Virgil. 4.
Eneid.

Donec tandem Amplissimus ac Consultissimus Dominus GREGORIUS MARTENS, pluries Antuerpiensium Consul & Scabinus, totius Magistratus, omniumque Medicorum voto in Collegij Medici Protectorem electus, seriò rem aggressus sit, qui illud collapsum supposito humero erigens, defectuosum perficiens, perfectum bonis legibus, & salutaribus edictis stabiliens, non minoris vtilitatis, quam momenti negotio cunctis viribus incubuit, ac pro communi, quod periclitabatur, bono, scientiam quâ prudentissimus sciuit, autoritatem quâ Consul potuit, totum denique suum hominem impendit. Nempe Endimiam nouerat hic Medicorum Medicus (indulge sic vocanti) quâ correptus sepe incola tam malè habebat, nimiam nempe sciorum in hac arte licentiam, qua Idiota Doctorem: Pharmacopola Medicum agebat, & barbitonsor utrumque: nam dum vnicuique sine delecta totum licet, quod lubet; omnes in alienam mellem (horrendam illam scilicet in qua homines metunt) falcem immittunt: at nunc te, *Vir Amplissime*, & Iudicem, & Medicum agente (nam teste *Sebastiano Foxio*, vtriusque similitudo est, non tantum professione ipsa, sed etiam munere)

In Platon:
Reipubl.
Dialog.
3.

c

Quod

. *Quod Medicorum est
Promittunt Medici, tractant fabrilia fabri.*

Qui ministros Iustitiæ in officio continet, multis innocentibus prodest: qui litigia expedita, & sincera reddit, pluribus Orphanis & viduis benefacit; at verò qui tam informem & exitiosam Medicinam reformat, omnes ciues (quoad humanitus fieri potest) seruat incolumes.

Quid iam tanto benefactori totum communitatis corpus, & singulum eius membrum debeat, vel penes ingratiſſimum iudicium esto. Marcescentem & Quernis folijs coronam, ob seruatos ciues olim promissam, Patri Patriæ inuidus eripiat; laudabile nomen tuum ideo immortale venerabuntur posterii, quia fragrantissimo honoris & gloriæ Balsamo conditum

Stati lib.

I.

Silu. I.

Non hoc imbriferas hyemes opus, aut Iouis ignem

Tergeminum: Aeolij non agmina carceris horret,

Annorumque moras, stabit dum terra, polusque

. Dum Romana dies.

Ad Mer-
cell.Ezechiel.
cap. 47.
v. 12.

Salutem hominibus das, per quod (vt cum Cicerone dicam) propinquius ad ipsos Deos accedis: nam dum ita Medicinam colis, tamquam alteram vitæ arborem plantas, cuius etiam fructus sunt in cibum, quorum gratissimum saporem sani per Prophylacticam, ægri per Curatricem artem percipiunt: & folia eius in Medecinam, quia rami tanquam brachia expansi sub

pro-

protectrice sua umbra omnes complectitur : atque
ita cum *causa* etiam *sit causati causa*, non solum Col-
legij Medici Protector es, sed vniuscuiusque in par-
ticulari Patronus ; etenim si sanus existens Docto-
rem conseruantem habeat, tibi debet. Si ægro de
Medico probo, & graduato prouisum, tibi obligat-
ur : denique si alicui ab experto Pharmacopola
sincera offerantur medicamina, tibi gratias referat,
qui in hunc finem (postquam cæteris omnibus
esset abundanter prouisum) hanc, quæ vna deërat,
Pharmaciam, & mandato, & opere promouisti, si-
cuti venerandus quidam Phylomusus per triplex
hoc Chronicum acutè insinuat :

1. SI FLVITIS MEDICI 2. VERÈ DE Con-
sVLe Martens
3. FLORIDA BIS PATRIO PHARMACOPEIA
VIRO.

Huius ergo *In Capite Libri scriptum est de te*, nos vero
qui opus sumus executi, sicuti hîc magnum no-
men tuum cum respectu, ita vbique, etiam minima
mandata cum humilitate sequemur.

Ampliff. ac Consultiff. Dominus D.

GREGORIUS MARTENS Urbis huius celeberrimæ pluries Consul & Senator, Collegij Medici Protector acerrimus, ac fautor egregius.

GVILIELMVS MARQVIS Antuerpiens. Lazari filius Medicus Urbis, & Xenodochij Pensionarius, Collegij Medici tertio Præses, praxi, & stilo clarus.

SIMON DES MARES Mechliniens. Collegij Medici Assistens.

FRANCISCVS LAVRENTIVS Antuerpiens. Medicus, Collegij Medici Assistens.

IOANNES VAN BVTEN Liranus Medicus Urbis, & Chirurgiæ Lector Pensionarius Collegij Medici Bibliothecarius.

GEORGIUS HOEGAERTS Corbekanus Medicus Urbis & Castri Pensionarius, Collegij Medici Assistens.

DOMINICVS VANDEN DYCK Antuerpiensis, Medicus Urbis Pensionarius, Collegij Medici Assistens.

MICHAËL BOVDEWYNS Antuerpiensis. Medic. & Philosophiæ Doctor Urbis Pensionarius, Collegij Medici Syndicus.